

甯陽續志

第捌册

卷十五

孝友

一行

隱逸

卷十六

列女

書德

方技

甯陽縣志卷十五

孝友傳

漢

孟知進

孟知進龔邱人

居石碣集

父母歿知進同妻李氏哀慕不忘

乃於乾祐三年

後五代漢隱帝年號是歲漢亡

立石碣刻佛藏父母恩

重經以資冥福後遂名其里為石碣村

詳見藝文書後並石碣辨

宋

王筠

甯陽縣志

卷之十五

孝友傳

一

王筠字端禮龔人事實詳秘書郎孫傳碑文

見藝文

元

王治 甯義

王治事實詳翰林王思誠孝門銘

見藝文

甯義奉符人

義乃縣東北泗望村人元時隸奉符

剛方尚氣誼尤重然諾

鄉里推重仕為彈壓稱職旋即告退優游農固以勤儉

起家事親純孝人無間言及歿魯諸生為之立碑

碑在柳溝

村東義墓側

明

郭增 吳孟祿 薛孟琪 王孟冬 劉繼舜

郭增親歿廬墓三年有白鶴下集旋繞墓側人皆以爲
孝感宏治初縣令趙公容屢餽粟帛褒獎

吳孟祿字元學孟祺弟孟祺見列傳少聰穎比長犖不羈

敦孝友讀書寒暑無間好詩古文詞不沾沾事帖括嘉

靖庚子舉於鄉授順德府通判政平訟理期年以捕盜

功遷知建水州地處極邊俗多梗化孟祿持以安靜從

宜施治吏民悅服時兄孟祺已解組旋里弟孟雄官開

封教授孟祿任滿約弟同歸有耗盡三年血分來兩袖

甯陽縣志

卷之十五

孝友傳

二

風之句歸則兄弟怡怡白首敘天倫之樂俱以壽終子

崇本庠生孟雄子崇賢庠生

薛孟琪字元珍邑北伏山村人嘉靖二十七年汶水決漂廬舍

孟琪父因救母渰歿母張矢志不嫁悲哭失明時孟琪

甫七齡祖母陳撫之成立比長奉兩母以孝聞隆慶四

年祖母歿孟琪志在廬墓復念父歿時已年幼葬禮

多闕乃擇吉遷葬家故貧採石運土悉出己力並爲其

父廬墓通計先後六年食必先獻寢必苦塊冬不鑪夏

不扇體枯面墨見者憫之後其母目復明並有蛇蟲引

路鳩兔馴伏之異閭里競傳以爲孝感迨母歿復廬墓

如初故孟琪墓碑以爲九載廬墓云碑在縣北二十里伏山之陰

王孟冬隆慶間人隱居雪埠山之陰簡默寡言德行純

備里人稱爲王仲雍事父母先意承志敬養兼至父疾

虔誠籲禱願以身代已而父愈咸謂至孝所感萬曆二

十九年卒天啟初巡按御史魏光緒採其事以聞時魏

闡枋政沮格不旌崇禎初其壻于允中爲之立碑光緒

撰記

劉繼舜母歿廬墓三年墓在邑之東疏村土人呼爲憶

甯陽縣志

卷之十五

孝友傳

三

母林崇禎八年縣令冀公宏道立石墓前旌之

舊志職官志宏

道爲令在崇禎四五兩年今此石旣八年所立則宏道此年尙未去任可知繼宏道者卽劉公芳大必在八年外可知以周爰訪辭薦舉書互證之職官志顯多未確

國朝

田堯民 子可峻

張士縉 司進選 吳應宣

周朝俊 殷實發 程待聘 張芳桂 子時敘

朱公佩 曾孫緒振 王廷櫬 紀體乾 孫貴純

張 愚 張懷亮 王 珪 胡士維 蘇 龔

甯世平 吳方琦 甯世佺 甯傳容 劉協廷

劉枋繡 甯宣猷 陳瀛從弟銳 柯允升

朱傳哲 王舒敏 續衍法 張繼倉 楊磊運

田堯民邑城南街人 生於明季家貧以賣湯餅自給甥汪湧

鼇孤苦無依堯民撫若己子俾就學城內時方幼弱農送入塾夕負以歸風雨寒暑無稍間後湧鼇於順治初

中式舉人有傳見篤行 堯民少子可峻亦於康熙辛卯舉於

鄉人以爲積善之報可峻字介止刻苦力學動循矩則嘗溺牆隅有婦人過弗知也同人以爲言卽時媿赧汗流沾背其篤謹如此父母歿兄年八十餘奉若嚴父保

甯陽縣志

卷之十五

孝友傳

四

若嬰兒時稱其孝友

張士縉字清輔邑城南關人 父歿未葬水暴至將沒階士縉

跪柩旁虔禱頃刻消退及葬築墳廬墓年逾七旬孺慕

不衰弟土豪早卒遺一子撫若己子卒得成立明季屢

被兵燹橫屍梗衢士縉收瘞四十餘具邑令兩次給扁

旌獎

司進選邑北小吳家村人 生六歲而孤母吳守志撫養及母歿

傾產營葬廬墓三年康熙中邑令陳公學夔爲建教孝

亭旌之

吳應宣母魏歿廬墓三年康熙中邑令李公溫舉表其門

周朝俊邑東北化觀村人事實詳周孝子傳見藝文

殷實發邑東姜家廠人孝友肫摯家僅足餬口同產止一妹而

所適壻家貧甚實發乃鬻己產為奩具遣嫁如禮又遵

父命割地十畝為祭田自是生計日窘力作養親處之

怡然父母相繼歿躬自築墳廬墓三年康熙中邑令季

公廷銓給扁旌獎

程待聘字珍儒邑北門外程家園人憲文孫憲文見良吏父亡於兵奉

甯陽縣志

卷之十五

孝友傳

五

母朱孺慕終身康熙中以歲貢授樂安訓導乞養歸日

率童稚綵衣戲母側見者以為老萊復生為人廉直學

問淹雅獎誘後進如恐不及母壽百有三歲卒時待聘

已八十三歲矣居喪寢苦枕塊勺水不入口竟以哀毀

滅性孫鳴岐自有傳見文學

張芳桂字友月邑城南關人邑增生事親以孝聞母李病噎

膈瀕危百藥不效芳桂夜侍疾倦極假寐夢與神遇指

授方藥質明果得貓胎衣一具製以進母病遂愈堂兄

蘭桂孤苦無依待如同胞姊早寡遺孤甫二齡迎養於

家衣食婚娶始終無異言里中稱其盛德子時敘字萬可歲貢生內行修潔孝友著聞學業淹博誨人善啟迪及門多知名士

朱公珮字伯璜

邑北戴村人

宗時曾孫

宗時見良吏

康熙中監生

天性醇厚古處是敦其姊歸劉早寡守志公珮迎養爲築層樓以居終身事之弗敢懈及歿始歸夫家合厝姊有養女復備匳嫁之與弟公瑀友愛甚敦析居日悉以腴田畀弟而自取礲瘠者怡怡和樂老而彌篤善處鄉黨周恤貧乏惟恐不及中懷坦易每爲宵小所愚卒不

與校久之其人往往悔而謝過壽九十餘卒子永平永亮皆庠生曾孫緒振字尋源乾隆中諸生父性嚴緒振色養兼至迨父兄相繼歿嫂謀析爨則悉以美田宅讓之弟與婦俱早逝孤姪甫十齡撫育過己出及長授室乃籍原產及歲積之數舉以畀之其姊適吳早寡家中落緒振迎歸奉養終身殯葬如禮有甥程某周年失怙緒振收養如己子既婚始遣歸程每與人言舅恩未嘗不泣下也爲人孤介寡言笑及接人靄容可掬性剛往往面折人過而對他人終不復言年六十六卒諸弟子

立石頌德進士周百順撰記

王廷樾字默齋雍正中諸生

邑東漢馬河村人

天性肫摯篤於

孝友兄弟六人析爨且二十年五人者家漸落惟廷樾

以勤儉致饒乃復與五家合爨遂共財同居焉主事歷

城方昂作傳紀其事子冠成自有傳

見良吏

紀體乾字法天邑增生幼失怙事母杜至孝性廉介慎

取予一方稱正士雍正五年諸生賀雲玉等欲以端方

上言之官體乾力辭

孫貴純

居邑東北孫家灘村

康熙間人賦性敦篤事父母以孝聞

甯陽縣志

卷之十五

孝友傳

七

家不中貲析爨後以勤儉致饒兄弟皆中落量力欣助
割畝不惜卒俾各完其家復以餘力建宗祠設家塾族
中子弟咸來就學多所陶成好施予鄰里乞假從不署
券責償居近汶水環村多渠獨力創置石橋四以通往
來行人便之年八十八卒

張愚字移上

邑城南關人

邑廩生事親色養兼至人無間言

居喪三年不言乾隆初闔邑公舉孝子縣令某不之信
委典史某微行突入其廬值愚方飯憑一小几地坐粥
中雜糠覈旁置鹽菜少許窗右苦塊依然典史歎服歸

報縣亟以上聞建坊旌表

張懷亮父為賊劫請以身代遂遇害邑令給扁旌獎

王珣字琨圃邑增生天性篤摯兄早卒撫二孤姪如己

子教之讀書皆遊庠序父卒哀毀過禮行道為之感愴

生平沈默寡言好施予一方稱長者

胡士維弟士脈因責姪誤斃嫂命於法應抵士維曰義

不為妻而死吾弟也哭訴縣庭情詞哀切縣令為之感

動士脈卒以誤傷累減得釋

舊志於諸傳多不著為何時人今悉補正其無可考

者姑仍之

甯陽縣志

卷之十五

孝友傳

八

蘇藁字棟遴

邑北蘇家樓人

乾隆中歲貢本農家子幼時父遣

牧牛藁袖書而讀父喜其嗜學乃俾就傅時年已十四

矣下帷攻苦十九即入庠旋以高等食餼肄業灤源書

院山長重藁品學延誨其孫既因父年老失明力辭歸

養扶持左右體貼入微父若忘其瞽者家貧不能假館

於外士多就學脩脯所入悉供甘旨父又若忘其貧者

父歿喪葬如禮北堂南牖下父生坐處也歿後仍設坐

故處朝夕相向如親在云

甯世平字際昇

邑東羅家樓人

乾隆初監生亢爽喜交游往來

皆一時名雋天性孝友內行敦篤有庶弟某失愛於母
幾無所依世平百方解說卒回母心及後析箸瓜分均
平錙銖不以自私一時高其行義多以詩歌贈之程鳴

岐郭東義士行其一也世平居東郭外故云詩別錄

玩鳴

岐詩意乃是善處他人父子之間與採訪冊小異

吳方琦字奇玉

邑城西
南巷人

乾隆中諸生事母至孝家貧授

徒資脩脯以養母柳性嚴善怒小不稱意輒恚致疾方
琦善事之得無恙其伯母貧無依夙與母不協值歲歉
方琦視伯母則斷炊矣乃市糧麥簾各半貯兩囊肩負

甯陽縣志

卷之十五

孝友傳

九

置母前跪而請曰麥供母餐願以簋分伯母母聞大怒
手批其左右頰各數十方琦帖然順受辭色温婉母意
解重以爲請許之由是其伯母得以自活卒與母和好
如初

甯世佺字堯叟

羅家樓人

乾隆中諸生幼以倫敘承繼胞叔

爲嗣嗣父早卒母朱矢志冰蘖世佺先意承志得其歡
心力爲請旌建坊母歿哀毀骨立喪葬如禮每逢朔望
及諱日必於母居室中掃除蠲潔瞻拜流涕終身無稍
異人以爲難性方鯁取與必嚴舉止動合法度不輕以

辭色假人門庭清峻雜賓罕至喜讀書堆案盈几積軸外無長物子傳彰監生

甯傳容字海涵

邑東核
桃園人

乾隆中監生父世譽樂善好施

曾撫孤甥吳某成立又周卹窮戚袁某卒完其家時稱長者傳容質直好義少有父風兄弟四人既析箸乃悉以腴田讓兄自取瘠薄者並留兩弟庠生傳久振華同居俾免以持門廢學後傳久於院內獲賊捶之賊佯作待斃狀逾刻遁去中途自撲致傷越異日死遂搆訟傳容欲脫弟累詣縣自承竟以鬪殺論抵振華赴京鳴兄

甯陽縣志

卷之十五

孝友傳

十

冤大府廉悉情狀從輕減等遇

赦得釋歿於道子繼方徒跣千里負屍歸

劉協廷字和萬

王卞
村人

嘉慶中庠生沈靜寡言動履有則

喜讀四子書期於躬行實踐爲文直抒胸臆不煩繩削而輻輳自合少孤事母至孝定省惟謹每食必親奉母然後敢食家貧授徒給養每適館必於母前肅拜預稟歸期屆期雖風雨必返後其母患病十餘年展轉牀蓐協廷與兄淑吉朝夕環侍左右進湯藥供甘旨始終弗懈母歿葬祭皆如禮克恭厥兄皓首怡怡族黨稱之子

枋恩庠生

劉枋繡字黼堂

邑城北門外人

嘉慶中增生落拓不羈意氣自

豪而持理嚴正好面折人過皆敬憚之父早歿事母至孝家綦貧與弟枋型竭蹶供菽水得母歡心稍暇卽課弟誦讀旋與弟先後游庠友于甚篤會叔父無子以倫序承繼枋型爲嗣初過房時兄弟執手悲哽見者感動下帷攻苦經學深邃制義以先正爲圭臬不染流俗六赴省闈卒不售好爲詩脫稿卽爲人持去嬾不收拾散佚無存者

甯陽縣志

卷之十五

孝友傳

十一

甯宣猷字勳臣

邑東滿莊人

嘉慶間人幼失怙時祖母猶在

堂上侍重慈色養兼至祖母歿竭力營葬悉如禮母年暮患癱臥牀七稔宣猷躬奉湯藥衣不解帶凡有所需必購以進家非素饒盡罄薄蓄爲母養生送死漸至饗殮莫給處之怡然外舅家中落邁病乏養時以果餌問遺歿後復貸錢修其墓姊適王早寡守志力爲請旌建坊如例並輸貲爲之立碑生平睦宗族和鄉黨遠近翕然稱爲長者子傳焯監生

陳瀛字海峯

邑東北東莊人

嘉慶中廩生少有志行門內修謹

事父母色養兼至人無間言弱冠游庠以文行見重儕輩工行楷兼精繪事寸縑尺幅見者珍之從弟銳字犀峯道光中歲貢幼失怙恃伯父撫之成立瀛憫銳少孤教督備至比長攻苦力學遂與瀛齊名巒序試輒異等居近靈山嘗於壽峯精舍假館授徒從游日衆伯父歿銳哀毀幾不欲生伯有四子遺言家產半付銳半付其子迨後析箸銳力主均分之議僅得五之一焉

柯允升字秀彰

邑城西
南巷人

嘉慶中庠生善事父母人無間

言父性剛綜攬家政不少假借允升恪遵教令雖纖悉

甯陽縣志

卷之十五

孝友傳

十一

必稟而後行居鄰闈父好詣酒肆邀客飲往往夜闌醉歸允升奉事左右務求順適其意父或坐而假寐竟夜侍立不命之退終不敢退父偶不悅卽戰栗改顏叩頭請罪待父意解乃已力學早卒士論惜之

朱傳哲字濬文

伏山村人

嘉慶中監生天性肫摯事祖父母

父母就養無方凡飲食衣服起居無一事稍拂其意居喪哀毀骨立百日後晝與人接亦自強笑語夜則涕泣每晨起目必腫偶以事詣戚黨家食時必辭歸或強留之則泣不語人知爲斷葷酒也亦聽其去歸必奉飲膳

進几筵前敬謹如生時葬後旦晚間每裒裒墓側若不
忍去者日凡再往以爲常道光初邑人公舉孝行縣令
謝公應選旌其門曰至德可風進士胡峯一爲作朱孝
子傳

王舒敏字懋亭

邑東北西
太平村人

嘉慶間人家酷貧力農自給

性至孝父年老患癱量進衣食藥餌抱負出入三年無
稍懈父歿事母每飯必供甘旨佐以酒而自啖粗糲母
疾最畏服藥舒敏愉色婉容跪以藥進須母服訖乃退
值歲饑艱於奉養乃割半宅質錢爲供母資其僦居者

甯陽縣志

卷之十五

孝友傳

十二

子與母戾者也自與舒敏鄰乃事母漸謹其至行感人
如此母年九十三乃卒營葬如禮行年七十安坐而逝

續衍法

邑北戴
村人

嘉慶間人幼喪母依父以居家纂貧爲

人傭事父色養兼至早起供父所需然後之主家力作
晚必歸省得直悉奉父衣而已無完褐或得食物不敢
食必藏以遺父父有小疾輒色憂起居失常度疾愈乃
已性戇對人語多亢直及見父柔聲怡色若孺子然父
年八旬餘始歿衍法質身營葬務盡哀誠行路爲之感
動尋以壽終

張繼倉 邑東北西
周村人 事實詳張孝子碑 見藝文

楊磊運事實詳楊磊運傳 見藝文

右吳孟祿據吳氏家乘補薛孟琪王孟冬據墓碑補

孫貴純據採訪補朱公珮以下新增餘見舊志

贊曰宋有王筠元有王治知進永慕石幢鐫字粲粲

門子敬養純至惟孝友于宜昆宜季前薛後周傍墳

灑涕張實人傭楊乃別寄並有至行暗合經義

割股 附

于小玉 李可金 劉 愾 王文周 李可敬

甯陽縣志

卷之十五

孝友傳

十四

李東孝

于小玉年十四割股奉母家貧甚其父鬻其兄為孫家傭父卒母益困小玉涕泣請以身代兄歸種田養母知縣陳學夔聞其事召其主人來代償鬻值俾還小玉於家與兄共奉母以終

李可金 伏山人 割股和藥奉親

劉愾 青川社人 割股救親

王文周割股救親

李可敬 伏山人 割股和藥奉母

李東孝 邑北仁賢莊人 農家子家赤貧母劉病久不愈相傳汶

上有神祠往禱輒於水中施靈藥乃走祈焉焚香默祝

訖以清水三升為獻偶倦假寐夢神語之曰爾母病非

藥可療得肉當愈醒而異之私念久病安能食肉亦未

聞凡肉可以療疾但神不我欺頓思為割股計乃納水

於壺歸以奉母母飲水病少間輒思食肉東孝遽割股

肉一片詭為他肉熟以進母食之而甘病良已同里聞

者重其孝白諸縣時乾隆二十六年也縣令毛公師濂

以法不應旌乃給扁獎之並易其名曰進孝 按舊志於割股之孝

甯陽縣志

卷之十五

孝友傳

十五

子孝婦俱附節孝之後未免男女無別今將割股孝子著於右而孝婦則仍附節孝後云

續增

劉 翮 張鳴琮 王景岨 董繼志 劉枋勤

甯松亭 賀清平 蘇毓嶧 劉翊烽 劉燕齡

王問元 孫桂馨 朱佩玉 李克訥 沈會齡

王問智 李養曾

劉翮字蒼翎 劉家海村人 襁褓失怙節母撫之成立家慕貧

乾隆初母尚健使覓食四方乃游京師設館授徒旗籍

子弟多來就學脩金所入必寄歸養母後因母老歸樵

蘇供饌甘旨無缺而已常有菜色有門人某爲克鎮帥
邀請入署以侍母不往鎮帥不時饋遺以周其乏後母
病癱冬畏寒而喜向明乃置鑪火密室中烘令煖晝負
母出置明處晚負入置煖處如是者凡數年而翮已七
十矣母九十五壽終哀慕如孺子葬畢廬墓三年每食
必祭哭泣之聲感動行路尋卒鄉人至今稱之

張鳴琮字象坤安廣子

安廣見前
志篤行

幼穎異克承家學早

補諸生食餼文行知名生有至性奉親竭力愛敬兼至
父病侍湯藥衣不解帶數月弗勸素善笛父病亟命吹

甯陽縣志

卷之十五

孝友傳

十六

一曲神爲之爽不日而歿哀慟幾不欲生卽取笛碎之
終身不再弄事母委曲周至依依膝下每有動作必左
右扶持年六十餘猶孺子也母年九十壽終喪葬如禮
事兄如事父事寡嫂如事兄和氣所蒸鄉里化之偶有
爭競一言立解道光中積資充貢尋卒子憲豐監生

王景峒字亘山永錫孫

永錫見前
志篤行

四歲失怙卽知哀慕

稍長事大父母得其歡心奉母敬養兼至母故儒家女
矢志冰蘖嘗勸以紹書香承父志唯唯聽命及就傅讀
書寓目不忘更闌輟讀必倚几默誦以慰母心時黃中

丞恩彤方以名孝廉開家塾授徒景峘年甫十五負笈往從受學中丞深加器異同學數十人秀拔無出其右者爲詩文不煩繩削自超凡近咸以爲取科名如拾芥尋以母臥病連年侍奉湯藥不離左右年甫冠而大父歿大母與母又相繼歿哀毀骨立服衰麻七八年廢學罷試至二十八始以第一補學籍踰年擢優等充增廣生自此絕意進取與弟景岍怡情詩酒陶然共樂翁和無間尋卒

董繼志字慰堂

王卞村人

道光中諸生恂恂自守不預外事

甯陽縣志

卷之十五

孝友傳

十七

早失恃後母虐遇之面常有淚痕問之不言也旣授室母更虐其妻時加撻楚繼志號泣請罪不能解至廢寢食體憊甚戚族咸憐之白諸其父父亦知其不爲母所容議以出繼旁支繼志不忍離父堅不從父強之去始與母異居草舍數椽薄田僅足餬口而事母益謹母亦漸與相安迨父母歿與兩弟友愛彌篤鄉黨稱其孝友尋以疾卒子肇瑗庠生

劉枋勤字襄廷淑瑛子

淑瑛見前志篤行

道光初監生性純孝

甫就傅卽捧讀孝經不釋手幼失恃哀毀過甚父禁之

不能止中年以治生廢讀事親愉色婉容凡事先意承志敬兄甚謹撫諸弟以恩每言兄弟友愛卽博堂上歡此理易明人何昧昧母病侍湯藥晝夜不離左右母李嘗歎曰人言爲繼母難事繼母尤難若吾子刻不忘親何可多得哉性剛方疾惡過嚴衣冠不正及行止有虧者皆畏而避之家僅中貲修宗祠濟貧乏捐助成人之美其貧不能婚葬爲代舉者不可勝書年五十九卒初章邱書賈王某暑月暴死其子號泣於路閱其無依卽爲市棺製衣以殮後其子往來必於枋勤墓所泣拜亦

甯陽縣志

卷之十五

孝友傳

十八

盛德感人之一端云嗣子貞烝監生孫崇勛廩生軍功議敘訓導六品銜

甯松亭

原名傳磊

字文濤渤子

渤見前志文學

天稟愿慤孝友夙成

襁褓失恃甫壯而孤執喪備盡哀禮繼母白善病多女松亭延醫診視晝夜扶持自理湯藥勿稍厭倦又曲體母意嫁妹匱資皆竭力從厚家因中落不以撻懷撫異母弟怡怡不啻同生至老彌摯年六十餘卒族黨至今稱之

賀清平字泰階

西嵇山前村人

嘉慶中諸生少失母事父敬養

兼至及父繼娶有私問其賢否者惻然曰繼母卽母也
我知事母而已天下安有不賢之母乎踰年父歿哀毀
骨立事母益謹家貧授徒於外資脩脯以養囑妻留家
侍奉妻亦善體其意代盡子職由是繼母對人每稱其
孝年七十三卒

蘇毓嶧字桐巖

蘇家樓人

監生賦性孝友見義勇爲雖重費

弗惜與兄析箸悲不自勝弗忍遽離慮兄不善治生恐
致貧困乃以已應分腴田四十畝讓之不數年兄果匱
又畀以自置田二十畝後雖出嗣猶於本生父母朝夕

甯陽縣志

卷之十五

孝友傳

十九

奉事惟謹喪葬從厚邑令武公學博白公重其爲人共
以孝弟仁和扁旌其廬兼通醫理投方輒效一方賴之
子清遠武生振彪監生亦知醫

劉翊烽字德孚

龜山窪村人

監生事母至孝母嘗病瘧數月

不痊醫皆束手乃具衣冠詣土地祠焚香默禱乞以身
代母病尋瘳里人以孝能感神立碑祠前以紀其事乾
隆五十一年歲大禊村中五十餘家餬口者什無一二
乃出倉粟按口分給全活數百人平時排難解紛鄉鄰
爭訟往往爲之寢息年八十二壽終子延型自有傳

見耆

德

延培文生延陸監生孫儒鏞從九品銜儒鏗武生儒
鑣儒鈿俱廩生

劉燕齡字詒臣監生孝友性成事親克盡子職接物和
悅而廉潔自持非其義一介不取也與弟錫齡翕怡無
間自勤耕鑿俾弟專力誦讀遂以文行著稱及析爨以
弟不善治生推良田四十餘畝讓之弗受則躑躅廢寢
食弟感其誠不忍復辭鄉人至今述其行義以勸子弟
年六十餘卒

王問元

石碣
集人

家業農天性謹厚事父母以孝聞一弟友

甯陽縣志

卷之十五

孝友傳

二十

愛甚敦弟若婦相繼歿遺孤纔數歲撫若己子提抱不
離左右會荏苒多疾不惜厚贄遠致名醫又以重價爲
覓善藥期病瘳乃已不翅疾痛之在其身也家人感其
誠相與解衣推食邕邕和睦里黨推爲義門

孫桂馨字一山

後大北
村人

增生性樸行端植品力學家故

貧少失怙以舌耕養母得其歡心每有甘旨必先奉母
而自餒其餘授徒模範先正多所成就晚精醫術施治
輒效然不輕爲人醫也年八十九壽終孫統承統啟俱
庠生

朱佩玉字象五

城北關人

生有至性讀書不爲章句之學期

於躬行實踐少失怙竭力事孀母得其歡心母久病延良醫奉湯藥進甘旨五年如一日疾篤顙天乞代母歿哀毀幾至滅性既葬廬墓三年未嘗見齒邑侯張公給可以爲子扁旌其閭事在乾隆二十三年

李克訥字敏齋

荷柳村人

嘉慶中監生謹信孝友內行肫摯

中年失怙恃事祖母尤篤寢興飲食必躬自服侍凡歷二十餘年無稍懈既歿哀慕逾恆情葬祭如禮教子以義方處世以忠信濟貧周急排難解紛一鄉推爲長者

甯陽縣志

卷之十五

孝友傳

二十一

年七十五令終聞者隕涕

沈會齡字與九興義子

興義見篤行

武監生衛千總銜性肫

篤事父克孝偶觸父怒必多方解釋至顏霽乃已父歿執喪盡哀大祥後午寐夢見其父一慟而醒遂哭泣終日不食既而母老病瘳不能動履飲食起居必左右扶持昕夕勿間迨分析割宅基一隅讓其長兄時稱孝友尤好施予里有貧病施藥給食多所全活精騎射累應省試三次挑而未售尋卒子化邦武生化南文生

王問智

石橋村人

家貧業石工性至孝除出外工作侍父積

亮不離左右竭力奉養同治初積亮染疫危篤醫治不愈問智焚香哭泣籲天願以身代并剜左臂肉和藥進積亮旋愈問智幾以傷殞方積亮之未愈也問智禱於神願獨修村東久圯石橋以延父算及愈白父率兩弟併力興工不數月橋成行人利涉咸稱其父子濟美越十餘年父歿哀毀幾不欲生殯葬如禮廬於墓側依依不忍去里人列其孝行聞於縣令程公給與至性天植扁獎之復詳大府建坊旌表

李養曾父病且死割股作羹食之而愈未期年母病藥

甯陽縣志

卷之十五

孝友傳

二十一

石不效養曾沐浴禱天以刀剖胸取肉作粥母食遂愈事聞於官遣醫汪姓療之回云胸間瘡裂五寸餘氣蒸蒸出痛不可忍汪敷以藥飲食亡恙數月而平

此康熙問事見

徐岳見聞錄
舊遺今補

重增

楊振喜

楊振喜雲岡村人少孤家貧乞食奉母值歲歉扶母行乞至嶧縣母病數日死振喜哀號動行路厚衣以薪葬諸義地徘徊墓側數年不忍去旋里後思母不置謀與

父合葬復至嶧縣啟墓見母皮膚完好面色如生乃斂
以敗絮襁負而歸一晝夜疾走二百里屍氣所漬肩臂
爲之俱黑振喜固不自知也鄰族感其孝爲醵金營葬
焉

耆德傳

明

王應珍

王應珍字天宿賢曾孫賢見列傳家世清素服御皆有常度

怒無詈語醉無情容教子弟諄諄不倦終其身不以名

利關懷時稱隱君子焉舊志不著明何代人今無考

國朝

張雲珩 張守分 苑 嵩 甯汝翼 甯世塘

邵方巖 曹仲昆 李連璧 于華平 杜克筠弟

甯陽縣志

卷之十五

耆德傳

二十三

克廣

童丕勤 沈克宏 孫振宗 侯懷信

王仲成 張存先 蘇云奎 韓振成 周汝翰

周信芳

張雲珩字楚白邑東葛石店人順治間人性孝友幼習絃誦稍

長失怙遂以持門廢學慷慨好施振貸貧乏橋梁道路

次第修治創置鄉塾飲助膏火子弟多就學焉里人舉

於縣邑令及公畜以為有古善人風給扁旌之

張守分家世農守分尤力田弗倦每歲所入首供租稅

草衣糲食務積羨餘以充橋梁道路修補之費里中稱

爲善人年百有六歲康熙中縣令陳公學夔親訪其廬
守分尙能拱揖如禮時稱人瑞

苑嵩字轉三

邑東南常
家屯人

乾隆初監生候選州同知事母

色養孺慕以純孝稱性豪爽雅量善飲以朋友爲性命
投轄開尊日常滿座似孔北海之爲人鄉鄰有爭輒爲
排解務歸和睦而後已雍正間歲饑捐貲入普濟堂上
憲給扁獎之

甯汝翼字敬亭梅齡孫

梅齡見父
之鸞傳

乾隆初監生幼出嗣

事重慈曲盡孝養終身無間初自城遷居於鄉或有以

甯陽縣志

卷之十五

耆德傳

二十四

非禮相軋者情恕理遣坦然置不校不數年人感其德
帖然敬服

甯世塘字錢溪乾隆中諸生敦品力學日率其弟三人
共相勸勉均以淹雅知名鬢序生平戒爭訟未嘗片紙
入公門鄉鄰推重

邵方巖字魯瞻

邑西白
塔寺人

乾隆中庠生凝重寡言動履有

則杜門謝客惟以詩書自娛中年以後學養充粹不移
志於外物悠然自得無戚戚之容人多愛而敬之子需
培庠生需坦廩生

曹仲崑字玉葦

邑東南鄉
飲村人

乾隆中監生少以勤儉起家

遂致殷阜周卹族鄰推解弗吝丙午春歲洊饑斗粟五
緡仲崑悉出窖粟百石分振鄉里秋大熟斗粟不滿千
錢償者但收母粟不取子錢人皆德之有小竊夜入其
家工人執之仲崑聞聲識其人不欲見其面卽令縱之
去其厚德如此子淑嵩

見封
贈錄

淑華俱監生

李連璧字相完

邑東小
夏莊人

乾隆中諸生性坦易與人無忤

尤好排疑解難遇鄉鄰有鬪訟者婉言勸導無不帖服
好讀書爲文溫雅有體裁晚棄舉業以詩酒自娛暇日
尋舊好歡然道故力敦古誼語不及褻聞者竦敬

甯陽縣志

卷之十五

耆德傳

二十五

于華平字惠遠

邑東北
新莊人

乾隆中諸生幼嗜學善屬文甫

冠游庠以家累廢舉業性喜清靜擇里於石碣村西誅
茅結屋北枕清溪環村皆植楊柳雜果卻軌扃齋翛然
默坐不妄交一人每逢春秋佳日綠陰低戶黃葉擁階
與二三耆宿吟嘯流連殊有栗里風趣晚歲皓首龐眉
優游杖履人以爲類有道者尋以壽終

杜克筠字介青

石碣
集人

乾隆中增生性方鯁生平與人無

戲言勤學不怠友教四方多所造就弟克廣字德心亦

增生器宇冲和無疾言遽色與兄友愛甚敦並以篤學善教有聲於時克筠子芳蘭庠生

童丕勤字煥文乾隆間人

居邑東童家莊

性嚴正終日危坐無

情容內行孝友勤於治經善誘初學著有訓蒙說略世多稱之頗能記前生事年十五六猶憶其父母容貌屢往尋之不能得言及每泣下九十一卒

沈克宏字方大

邑西北沈家平陸人

乾隆中監生性愿謹治家有

條歲乙巳秋稼不登次年春斗粟數緡餓殍滿路克宏家僅中貲振貸非力所及乃盡發窖粟分貯器中於門

甯陽縣志

卷之十五

耆德傳

二十六

外平價出糶不置升斗但以勛兩計貧民持數十錢來者亦得合勺以濟枵腹藏粟既盡乃出貲糶他家粟減價糶之他粟又盡復牽車赴鄰境豐歲處糶粟運歸平糶如初至麥熟乃止一方賴以全活甚衆論者僉謂其惠而不費云慮鄰里乏耕具乃別畜一牛繫諸門外有需用者輒牽之去日以爲常子興仁興義俱監生孫錫齡武舉人

見科目表

孫振宗字蔚起

居邑東陳家店

乾隆間人業農頗讀書所居告

山之陽地宜果木振宗教人種植之方至今賴之足跡

不履城市教子孫惟以敦謹樸素具有繩檢家中貲
性好施予漸致饗殮莫給處之怡然邑令郭公撰重其
爲人每因公赴東鄉必造其廬訪以民間疾苦語不及
私既悉其貧欲周之堅卻不受壽至一百二歲先告家
人以死期設具招戚黨終日談讌極生平歡至期端坐
含笑而逝

侯懷信字誠一

居邑西灘頭村

乾隆間監生樸訥不飾性好施

予丙午歲大禊出積粟減半價平糶貧不取直一方賴
以存活者甚衆及歿鄉人爲立思慕碑

甯陽縣志

卷之十五

耆德傳

二十七

王仲成字美亭

居邑西石橋村

乾隆間人性端慤少貧勤苦自

勵非義不取中年家漸饒樂善好施周卹窮困曾無德
色嘉慶壬申歲禊盡出藏粟分振鄰族多所全濟自恨
未及讀書乃延訪名師遣子就學時論稱其義方年八
十六卒

張存先字念昔初名維善

居邑東北杏山莊

嘉慶間人幼失怙

恃祖父撫之成立稍長就傅因祖年衰善病時須奉養
遂棄儒力農兼精醫理妙合湯劑卻祖病更延其年有
求療者雖昏夜必躬親診視病愈乃已族鄰相接盜然

春温人或觸忤不與校而俟其自悔偶有寒俊無力赴
試量助資斧無稍恡惜生平每以不終誦讀爲憾乃令
長子中鵠受學於甯訥之門早歲以庠生充貢

見五等貢錄

次子倫鵠亦入庠

蘇云奎字聚軒

蘇家樓人

嘉慶中監生事父母以孝謹著稱

佐理家政勤苦力農薄有贏財輒市酒肉進父母而自
啖粗糲親歿哀號幾不勝喪葬祭悉如禮延師訓子不
恡脩脯性愿慤與人無欺人或欺之亦不知也生平未
嘗與鄉鄰競晚益坦和優游里閭少年有侮已者避之

甯陽縣志

卷之十五

耆德傳

二十八

而已一方推爲長者子峩峩庠生卓峩監生

韓振成字美亭嘉慶間人性敏嗜學知名鄉塾操履方
整族衆皆敬憚之里有爭端善爲排解父老子弟不履
訟庭者凡數十年生平與人爲善尤好獎勵後進比閭
稱爲長者

周汝翰字翊垣

居邑西洪福寺村

嘉慶間增生崇尚實學教子

弟具有繩檢性忍讓不以隻字入公門嘗著教家俚言
醒世良言庭訓瑣言化導鄉里一方推服年八十七卒
周信芳字行遠道光間人家纂貧夙敦孝友姊適毛早

寡遺一五歲幼甥信芳慨然迎歸撫之成立中年以勤苦致饒慷慨好施振貧濟乏如恐不及一時推爲長者子景桂監生

右張雲珩據採訪補苑嵩以下新增餘見舊志

贊曰漢置三老布教於鄉力田孝弟家用平康番番黃髮矜式梓桑垂之竹素詔我後生

續增

黃宗鳳 孫東蘭 劉淑瀛 劉延型 楊士卓
張 鐸 金瑞軒 吳鍾賢 周景桂 甯傳鎬

甯陽縣志

卷之十五

耆德傳

二十九

柳百辰 韓兆麗 林紹彤 徐敬齋 胡鳳立
崔煥章 張進德 張廷龍 蘇毓藻 陳繼湘
杜岱元 劉君榮 趙繼煥 尹士瑞 朱 岳

黃宗鳳字儀廷

添福莊人

性伉爽有機略幼從甯世基受經

學有師法內行敦篤人無間言出應童科輒屈其耦旋以持門廢業乃更僮自喜重然諾廣交游尤好爲人排難解紛每遇鄉鄰鬪訟紛紜莫決居間平亭往往釋怨修好里有喪勿論大小皆倚以辦酌宜隨俗豐儉適中繇是輿論翕然歸之以從姪恩彤官刑部主事馳封

六品一方推爲祭酒年逾七旬以疾卒鄉人環哭皆失
聲子丕勛軍功七品銜丕協從九品銜

孫東蘭字芝圃

孫家
灘人

監生少失怙依節母以成立比長

克自振拔忼慨喜交游頗以馳騁田獵爲樂中年乃折
節恭儉睦鄰卹族里飲其和自以持門廢學喜從文士
游延名師訓其子躬自督課啣晤恆至夜分由是二子
斌斌儒雅知名鄉校善治生尤善種樹所居北枕汶隄
環隄青白二楊及桃李梨杏之屬菀茂成林大者中棟
梁小者充椽案半東蘭手植也年踰八旬神明弗衰丹
甯陽縣志

卷之十五

耆德傳

三十

頰飄髯如古圖畫中人尋以無疾令終子懷龍庠生懷

鳳監生

劉淑瀛字三洲

西王卞
村人

郡庠生操履剛方一鄉敬憚家

貧吟嘯自娛有富人欲與共貨殖卻弗就道光甲申大
旱蝗蝻徧野邑侯蔣公料丁捕除以淑瀛爲衆望所屬
派董其役科率均平撲擊得法不旬日蕝事蝻不爲灾
蔣公以公勤可則扁旌之年八十三壽終

劉延型字鑄亭翊烽子

翊烽見
孝友

才識明敏爲一鄉望邑

侯耳其名公事多倚以辦嘉慶中汶隄決數百丈闔境

集貲堵築衆議紛紜延型洞悉利弊持論悉中肯綮郭公撰躋之一切分工取土諸事宜必公必均尅期蒞事後遂以爲程式道光四年旱蝗遺子生蝻蔣公兆鴻派延型督夫撲滅蝻不爲害蔣公嘉其勞申請大憲以公勤可則扁旌其閭年七十卒

楊士卓字立齋

沈家平陸村人

世傳儒業父治淳乾隆初諸生

以博學善教有聞於時士卓幼承庭訓早補學籍充增廣生讀書無間寒暑試輒優等屢躋棘闈不以屑意教家惟敬與讓一門雍睦雖童子無鬪詈者引掖後學多

甯陽縣志

卷之十五

耆德傳

三十一

所成就壽八十令終子培元孫毓棠皆庠生

張鐸字警遠

張家莊人

監生操履方正取予不苟輕財好施

排難解紛一方推爲祭酒性剛簡好面折人過而胸無城府廓乎有容人皆畏而愛之道光中因捐貲助修兗郡試院道憲王公以急公好義扁旌其門尋卒

金瑞軒字鳳岐

金家磨莊人

道光中監生慷慨好施予家僅

中貲自奉儉薄聞里中有斷炊者輒以錢米致諸其家尤好爲人排難解紛鄉鄰鬪訟居間調停因而釋嫌和好者難以枚舉年七十六卒遐邇嗟悼後有纏訟莫決

者每日使金翁在我不至此也

吳鍾賢字希聖

後望峯村人

監生家頗裕好義急公咸豐十

年捻匪過境村民多被刦掠鍾賢倡率築堡竭力捐貲堡成一方倚賴遇有鄰村避寇入堡者量助薪米俾免缺乏並出壯丁接引難民人尤感之紳士公舉於縣給五品銜年七十四卒

周景桂字月軒信芳子

信芳見前志耆德

監生素履端整內行

修飭忠厚無競里中推爲長者姑適毛早寡信芳撫其遺孤成立景桂於父歿後復畀以腴田數十畝卒完其

甯陽縣志

卷之十五

耆德傳

三十一

家鄉鄰債負約市錢五百緡察其貧者俱焚券不復責償人尤德之生平急公好義道光間重修本縣文廟改建兗郡考棚歲修汶水隄埵及咸豐庚申寇退後築城浚池各要工均輸重貲無稍吝令長重其爲人加禮貌焉延師教二子各以文行著稱尋卒子肇瑞廩生肇琇增生

甯傳鎬字懷西監生世乾

見篤行

子性孝友早失怙事母

色養兼至以瘍醫世其家恆虔誠修合靈丹以備施送貧者就醫假屋飲食之俟其痊自去與弟岱峯友愛甚

敦爲延名師教讀尋以文行著稱與人交抑然謙遜匄
匄如不勝衣樂善好施至老弗勸道光中捐貲助修克
郡試院道憲王公贈扁旌獎年八十五壽終子文驤字
翰逸監生克守家規咸豐庚申之變避寇者每枵腹煮
粥以待多所沾溉尋卒子金燦附貢生天墀增貢生榮
燦監生五品銜英燦監生六品銜金燦子作霖作梅天
墀子作澍皆庠生

柳百辰字樞廷

柳家樓人

監生性孝友以勤儉致富咸豐六

七年間歲大稔慨出積穀以贍親族貧苦不能自給者

甯陽縣志

卷之十五

耆德傳

三十二

無不量力資助十一年春其子監生佩芹以禦寇殉難

贈卹如例孫德興襲雲騎尉世職百辰年踰八旬鄉

人貸負積數百金臨終命子監生五品銜佩珩悉焚其

券

韓兆麗字華堂

疏里村人

內行修謹孝友著聞夙承家學弱

冠隸籍郡庠旋補增廣生家素貧授徒四方晝夜講授

勿間寒暑竟以積勞致疾晚乃杜門靜養接物以和教

家以正年七十九卒鄉人樹碣墓次以表其行子雲亭

從九品銜

林紹彤小胡家莊人嘉慶間人本農家子愿慤有智數里有

爭端必善爲排解以此鬪訟漸稀村人某虎而冠者也
擾害徧閭鄙衆皆切齒而莫敢誰何紹彤私語之曰汝
所爲衆恨所集也身雖強烏能敵衆汝亦危矣某曰當
奈何曰禽獸尚知飛走求生七尺壯男子而必坐困於
此乎曰吾欲去此久矣如赤手何得兩貫錢吾行決矣
曰易耳我當爲汝謀卽以錢如其數付之其人遂去不
返一村害除紹彤歿久矣至今村人猶樂道之

徐敬齋字心一龍岡村人從九品銜賦性純厚善處鄰族與

甯陽縣志

卷之十五

耆德傳

三十四

物無競弱冠失怙事母克孝弟早世遺二幼子以養以
教俾至成立咸豐中歲饑周卹貧困里中多賴以舉火
邑侯程公爲表其廬年八十壽終子衍俊監生

胡鳳立字丹山三埠村人爲人正直敏而能斷里有爭端得

其言輒解有貧人因牧牛踐禾與地主構訟不得直忿
欲捐生地主窘甚乃居間力爲調停卒寢其事數十年
中村人幾無踐訟庭者勸化之力居多年七十餘壽終
子桂林監生

崔煥章字鸞坡大北村人英敏嗜學早歲受學於名師業益

精勤遂補諸生知名中年以持戶輟讀援例貢成均家
僅中貲慨然曰三代下士無代耕之祿不得不以治生
爲急吾敢矯語顏原乎遂師白圭術居積致饒會遭寇
擾出貲築堡與衆共守一方恃爲保障尋卒子兆棠附
貢五品銜

張進德字心田

卜家村人

奎文閣典籍家故貧獨以勤苦致

富與弟友愛白首不忍析居性明決遇事能斷里有爭
競出爲平亭輒卽冰釋咸豐庚申之變避往東山中途
遇賊挺矛與之角賊不能傷旣乃倡衆捐貲環村築堡

甯陽縣志

卷之十五

耆德傳

三十五

與添福莊堡南北相望聲勢聯絡賊屢過境不敢出兩
村間一方恃以無恐邑侯程公親造其廬具賓主禮酌
酒盡歡諮地方近事心識其言年八十餘壽終子來陽
監生五品銜

張廷龍字騰軒

邑南關人

幼失怙事母至孝教二弟成立里

術稱其內行居心平恕鄰有爭端善爲排解鬪訟漸稀
葺古廟修斷橋凡有義舉皆身任之不辭勞悴年八十
二壽終子鵬齡從九品銜孫第元廩生

蘇毓藻字泮英

蘇家樓人

性敏嗜學甫冠補諸生鄉試薦而

不第益自攻苦設義塾以待來學膏火脩膳諸費俱爲
措置聞有寒士因貧廢業者更出已貲助之多所成就
一時稱其善教尋卒子傳鈞監生傳鉉州同銜請贈如
例

陳繼湘字溪南

大槐樹村人

天稟孝友內行修飭讀書通大

義以持戶廢學而操履篤謹動循渠則與人交盎然春
温無疾言遽色遇有爭端輒爲居間排解鬪訟漸稀睦
族邨鄰一方推爲長者有三子各因材授事諸孫咸受
章句恪守家法咸豐初以年例賞八品銜尋卒子克進
克廣克英皆監生

甯陽縣志

卷之十五

耆德傳

三十六

杜岱元字資萬

西賢義村人

監生本農家子家綦貧兄弟五

人以父歿析居奉母必具甘旨母歿喪葬如禮皆身任
之善治生師計然術以居積致饒自奉儉約而不時分
潤兄弟里黨貧乏多蒙周卹或有待不以禮者置不與
校光緒三年春亢旱傷麥人多鮮食獨出積粟數十石
豆餅四千斤計口分授概不責償一方均感其惠年七
十餘卒子信廣州同銜請贈如例孫懷璞監生

劉君榮字華軒

王家院人

道光中附貢事親先意承志宗黨

稱孝無間言積學多通持躬醇粹推羨潤瘠沾溉桑梓
以壽終一方推爲長者

趙繼煥字文軒

李家村人

恩貢生家貧嗜學有時斷炊手不
釋卷如平時尤好誘掖寒士不責脩脯諄諄講授惟恐
不及友教四方多所成就喜說因果勸人爲善聽者感
動以訓導注銓尋卒子方千廩生

尹士瑞字輯之

添福莊人

本農家子識字無多而孝友樸直
爲鄉鄰所信附每有婚喪輒倚以辦咸豐辛酉築堡之
役料丁分工胥資其力衆皆悅從是年春工甫完而寇

甯陽縣志

卷之十五

耆德傳

三十七

大至盤踞山南勢將北竄士瑞集衆共守時村店中蓄
油數缸商之業戶於晚間盡出其油貯瓷盃中然鐙數
百分置圍牆光如烈炬燭數十里賊登山瞭見以爲官
軍暫駐安營行將追及遂驚遁

朱岳字品山

伏山村人

天性純篤孝友肫至慎交遊重然諾
早入邑庠有聲黌序家故貧友教四方一介不苟咸豐
庚申之變闔村素重其品推爲團長時團總甯復箴督
率勇丁屢經防剿岳始終相隨贊畫之力居多又於茅
莊築堡共守經數年之久鄰村避寇諸難民咸資保衛

後以軍功保舉六品銜尋卒人多悼惜

重增

黃貽謀 子元調

黃貽謀字翼亭

後望峯村人

監生父孫隆字繩武乾隆中諸

生試輒高等屢踐省闈薦而未售家素封惟購書吟誦
自娛年四十二遽卒貽謀尚幼哀毀如成人事重慈咸
得歡心及長好學尤專周易性好施乾隆丙午歲大禘
附近村莊多沾其惠以善人稱之子元調字泰鴻監生
弱冠失怙值母多病遂棄帖括專奉萱幃躬侍湯藥必
嘗以進十數年如一日母卒喪葬如禮持門教子周急
恤貧每代人償債家遂漸落亦弗介意焉子丙南郡增
生斗南邑庠生

一行傳 舊闕
今補

明

張春

張春邑細民也為程憲文蒼頭 憲文見良吏 崇禎末

大兵薄甯陽城陷憲文被執令肩豕以從荏弱弗能勝
春請代不許乃隨之行經南門外智井旁春推憲文入
井取豕強肩之兵怒殺春索憲文於井倉卒弗能得遂
委之去兵退家人垂縋出憲文乃免於難

國朝

甯陽縣志

卷之十五 一行傳

三十九

鞏世祿 于均福 吳世倫

鞏世祿 邑北施家村人 雍正間人家貧力田自給一日晨起拾

獲白金二百兩即懷金坐路隅以待有頃主者至乃旋
商也逢人問拾金未蒼黃無人色世祿徐曰金固在詢
其物色悉符盡數還之其人感甚欲分半以謝堅卻不
受後卒以勤苦起家子孫十餘人多貢監庠生以孫克
輝官徐州衛領運千總候推守備貶贈如其官

于均福 邑北商莊人 乾隆間人家慕貧與里人紀某出塞同

赴朝陽縣傭作一日刈禾山中虎突出銜紀去衆錯愕

弗敢救均福自忖我兩人二千餘里走塞外性命共之
義不獨生卽腰鑣急追之不半里見虎方委紀於地而
蹲踞其背均福大呼直前與爭虎竟去紀被嚙傷昏不
知人均福負還移時始甦後卒與俱歸

吳世倫

邑北小張
徐村人

嘉慶間人家貧賣錫於通衢拾獲白

金五百兩卽揭帖自署姓名居址及拾金狀會主者尋
至則堽城屯人殷某也世倫詢之確悉以還之堅不受
謝

贊曰匹夫慕義聖賢不讓一行足欽千古莫尙殉主

甯陽縣志

卷之十五

一行傳

四十

張忠救友于壯不貪爲寶拾金署狀

續增

郭尙純

田百昌

孫愿忠

冷吉名

郭尙純

戴村人

家貧甚丐食於石碣集因寄居焉性伉爽

皎皎不汙一介人樂周之果腹卽止村當邑東孔道有
南義集西商某經過遺金一橐委於路側尙純瞥見料
商去未遠卽負其橐疾行十餘里追及還之緘封如故
商喜且感手金一餅爲謝卻弗受強納諸囊曰君貧以
爲衣食資耳尙純拂然曰爾以丐輕我邪我若貪橐金

皆我有也還若橐金而利若餅金乎擲金於地掉臂去
商及路人皆驚歎此嘉慶年事至今父老猶盛稱之年
六旬餘以貧困卒鄉人義其行率錢具棺瘞之村西

田百昌字濟泰

西瓷窯
村人

道光中有事赴濟南在途拾獲

白金十餘兩同邑楊某所遺也楊家赤貧稱貸得此金
將市物謀小利一旦失之無以為活欲自盡百昌詢之
確悉以金還之

孫愿忠冷吉名皆甯衛聘家老僕

衛聘見前
志篤行

康熙末衛

聘自邑東核桃園別業遷居邑北之茅莊二僕從焉地

甯陽縣志

卷之十五

一行傳

四十一

本荒蕪多茅故以名莊耕種每不償費二僕竭力操作
次第墾闢漸成熟田歲入加倍家日以起衛聘得以倘
徉林泉若不知有家事者二人力也歿後葬於莊東主
家憫其勞為立碣墓側以志其事

方技傳 舊闕
今補

國朝

紀開泰 周祚長 程佩瑜 王靜宇 趙金鏞

劉淑桐 張 濯 秦繼泰

紀開泰字來西 邑西伏山村人 雍正中監生自其上世有名朝

德字東川者爲前明醫官著醫症經驗集解八卷又有名巖字敬公者曾爲郡守蔡公廷輔療痼疾立愈有盧扁之譽開泰少傳家學精研內經徧窺仲景以下諸方書凡有心得必手自著錄乃廣集解爲二十四卷名曰

甯陽縣志

卷之十五

方技傳

四十二

醫學箕裘集其治疾洞察乎標本陰陽之故卽甚危殆投以湯劑咸慶更生遐邇造請踵門無虛日嘗遊歷下會巡撫李公疾亟諸醫莫效有以開泰薦者延入診治一藥病良已李公神之欲留置幕府開泰不樂華臚力辭歸脫巾散髮頤養林泉間出其術活人無算年屆八旬視聽不衰髭鬢盡黑見者以爲神仙中人旋以壽終子四體潤其季也能紹其業孫天崇字青峯曾孫茜珠字支園元孫若鼎字梅臣世以醫學知名

周祚長字聞遠

石碣集人

宸詔子

宸詔見祖弼成傳

警敏能文乾隆

初補邑諸生年十八以冠軍食餼秀甲一鬻尋肄業胄
監考授州吏日以親老告歸乃更專心醫學研究內經
諸書尤精傷寒論間出其方以濟人無不立效郡守唐
公倚衡深加敬重以國醫稱之子秉義秉信俱監生世
傳其術有聲於時

程佩瑜字玉光

邑西北程
家海人

乾隆初監生性孝友工篆隸

尤邃於醫凡有求者必爲診視周詳洞見至隱決死生
立驗晚年術愈精求愈衆呻吟而號呼者旁午於門佩
瑜應之無倦色富者畀以方貧者贈以藥不索直亦不

甯陽縣志

卷之十五

方技傳

四十二

言謝僕從苦其煩往往壅闕不爲通佩瑜察悉乃築亭
舍外環植綠楊顏曰淡暑日坐其間待求者而應之有
壯夫負老媪至其母也患疽發背佩瑜診之曰尚可醫
但毒深須日施丹藥一二次少間恐難生壯夫因家貧
途遠泣下沾襟佩瑜曰無傷也遂館之別業朝夕施治
而給食焉月餘老媪痊壯夫負之去去後十餘年一日
前壯夫來故貌盡失問之知爲老媪子也泣言母死已
葬特來報恩辭之使去不聽遂留操作勤力過諸僕數
年病歿佩瑜具棺殮之曰吾重其孝也

王靜宇字坤方居邑西王家樓乾隆間人少從外舅劉應逞學

醫博覽方書復與應逞子克任互相切劘學乃益進時

出療疾沈痼立起行術數十年多所全活晚年患瘍幾

殆鄉人爲之共禱於神乞延其算後果愈衆乃醵金報

賽比閭盡驩其盛德感人如此

趙金鏞字頌南三埠人乾隆中諸生好施予善解紛難鄰

有顧某者爲胥吏所銜誣以盜幾墜網羅力爲湔洗卒

白其枉晚通岐黃尤精痘疹力拯危險有若回春子三

澍庠生湘歲貢見五等貢錄澁庠生

甯陽縣志

卷之十五

方技傳

劉淑桐字濬源居邑西張村嘉慶間人幼習儒因家累輟業

更從族叔克任學醫晝夜攻苦盡傳其術投劑輒能活

人名噪汶上東平間年七十餘卒

張濯字文輝扶鯤子扶鯤見文學嘉慶間人幼習父業長乃

專工醫術察聲切脈洞見癥結尤精痘疹他醫所不治

者靡不應手立效嘗曰治病如用兵用兵而但執古法

則有若房瑄車戰卒致陳陶之敗今人稟氣厚薄既與

昔殊而藥物亦異倘拘泥成方鮮有不殺人者神而明

之是在心知其意耳行術數十年活人無算年七十餘

卒

秦繼泰

居邑東北
枕河莊

嘉慶間人少讀書長輟儒業乃習瘍

醫久之精於其術自合善藥隨宜施治投以刀圭呻吟

立止不計貧富不受饋遺下至乞丐無不盡心療救行

術二十餘年濟人無算

贊曰龍門作史爰紀扁倉醫關民命云胡不臧勿昧

四診但執古方惟明且慎庶幾稱良

續增

劉淑隨 蘇 莊 劉翊炘 許松友 李光霞

甯陽縣志

卷之十五

方技傳

四十五

趙殿元 程景孟 徐士廷 李老者

劉淑隨字貞九 王家樓人 父克任精醫術知名齊魯間一時

推為國手淑隨幼穎悟讀書寓目不忘為文獨抒心得

弱冠補諸生學行重譽序屢踐省闈不第遂輟舉業復

習醫盡傳家學上自洪範五行素問靈樞暨仲景以下

諸方書靡不窮其主旨治疾酌古方而變通之應手輒

效咸以為盧扁復生年六十餘卒著有本草醫原醫律

醫宗醫方醫案諸書各若干卷藏於家

蘇莊字敬臨

蘇家樓人

增生有文行兼精醫理活人無算性

廉介數十年未索一謝設藥肆貧人輒予之不取直咸
頌其德子雲旋字坤盤八品銜克承父術亦不計利嘗
有竄人就醫藥餌外並給飲食病痊始遣去又有胡曰
黃者亦竄人也病愈無以報執役數十年辭之不去其
感人如此曾著新產一書皆經驗良方孫毓嶧自有傳見孝友
曾孫振彪皆監生世醫有名

劉翊炘字鳳臨

剛城南村人

本儒家子兼習岐黃術遂以善

醫知名遠近活人不可勝計廉介不受餽遺有致謝者
輒趨避之嘗言古人有云不爲良相必爲良醫志在濟
世也敢乘人病危以取利乎行術數十年未嘗因以自
潤布衣疏食泊如也年八十餘壽終

許松友字鶴亭

台里村人

從九品銜世醫乾隆間其先有名

應福者尤以術顯松友能紹其業自金匱肘後諸方書
皆得其肯綮診病悉見至隱用藥立效尤精瘍科凡有
求者雖盛暑嚴寒遠在數十里外必立往施治或贈
以良藥不責贄謝一時有盧扁之譽性尤伉爽爲人謀
必忠嘗曰人我一也自謀而不爲人謀負人卽負已矣
遇事必多方排解期於無忤乃己人皆愛而敬之年七

十餘令終子兆麟奎文閣典籍仍以醫世其家

李光霞字蔚軒監生

果莊人

少通醫理治疾輒效時甯進

士雲程解組歸兼精岐黃術光霞往從之遊經其指授學乃益進遠近知名又嘗與甯明經繼楨參究古方確有心得尤善痘疹兼理傷寒鄉人以半仙稱之嘗設藥肆辨別真偽獨蓄良品兼自精製富者廉其直貧者慨以贈濟人無算尋卒子臨端從九品銜克紹其業

趙殿元字對廷

趙家莊人

嘉慶中監生讀書通大義持躬端

謹尤善事親鄉黨稱其孝精岐黃術療病審聲切脈洞

甯陽縣志

卷之十五

方技傳

四十七

見癥結投以刀圭無不立效行術六十年活人無算善養生老而彌健壽九十餘卒子永坦監生孫敬軒庠生程景孟字淑尼

化觀村人

幼讀書以持門廢學性和易與人無疾言遽色持躬端謹取與不苟里有爭端卽爲排解睦鄰卹族一方推爲長者精醫術有求必應從不受謝貧者遺以善藥其不能自養者留家中供其糗餌病愈遣歸人尤感之年九十一卒卒之夕村有人見輿馬從北來輿中則景孟也或以爲仙去云

徐士廷

徐家營人

從九品銜本儒家子通岐黃術痘科尤精

活小兒無算性耿介無論貧富不妄取一錢名聞遠近
門常如市年七十四壽終

李老者康熙間諸生曾以井傍何首烏分啖道人遂授
以導引法前定數名動一時曾至兗州推官署中豫疏
一月事作帖封固日拆一封無爽一日拆一帖云有蛇
甚異頭角獐獍來入我署兗州少蛇抵暮不見以為失
驗及暮有客自黃州來遺一蘄蛇果如所疏又有一士
人游秦中叩之予帖三封上各署某月日開屆期拆視

一一皆驗

見徐岳見聞錄
舊遺今補

甯陽縣志

卷之十五

方技傳

四十八

隱逸傳 舊闕今補

東周

榮啟期

孔子遊於泰山見榮啟期行乎成之野鹿裘帶索鼓琴而歌孔子問曰先生所以樂何也對曰吾樂甚多天生萬物惟人為貴而吾得為人是一樂也男女之別男尊女卑故以男為貴吾既得為男矣是二樂也人生有不見日月不免襁褓者吾既已行年九十矣是三樂也貧者士之常也死者人之終也處常待終當何憂哉孔子

甯陽縣志

卷之十五

隱逸傳

四十九

曰善乎能自寬者也

列子惟高子按春秋時成宰之傳於後

於檀弓成人之傳於後者惟高子然不見於魯論而見於列子皇甫謐因之入高士傳自陸士龍後曠達之士往往慕其為人詠歌無絕焉蓋其言足以矜貪競其風足以鎮浮躁此亦百世之師也舊志於古蹟故成城條下引列子孔子行乎成之野以為證而佚榮啟期之事不傳殊屬疏漏夫義姑姊見於劉向列女傳其書後於列子且不著其姓氏及何許人其故里故蹟僅得之故老傳聞猶且為之建祠致祭如榮公之姓名籍貫確有可徵而竟未登志乘何其舛也今立隱逸傳錄列子於卷端以資觀感云又府志續編榮子墓在汶上縣以榮啟期即七十子之榮旂援闕里志為據但考列子原文孔子稱為先生則非門弟子可知不得以期旂同音輒合為一人也闕里志亦未免附會

明

吳仲紀 吳應棟

吳仲紀字淑理邑城西南巷人天懷清曠有超塵軼世之想夙

慧多學尤嗜道書成化癸卯年十九舉於鄉後知新鄭縣

治尚清靜與民休息嘗謂道在無為遇事風生非循吏

也秩滿遷判太原府平易一如治縣時旋解組歸扁門

謝客銜杯高吟遺落世務一日早起喟然日向平子真

解人遂遠遊不歸子道亨為曲沃縣丞亦棄官去不知

所終

吳應棟字柱石邑城西街人道東元孫道東見耆德性方嚴恪守

矩矱取與一介不苟博通經史尤喜儒先語錄時值明
季時事日非遂屏居田里不出應試後為衍聖公府奎
文閣典籍廉靜奉職絃誦自娛時論稱為吏隱子士智
庠生

國朝

伊應泰 王適祖 吳純姬 甯 屏 程雲路

于 樸 吳方昭 徐 超 胡叔祥 劉克恕

伊應泰字保宇邑東三埠人明崇禎中由歲貢任東安訓導

累官太平府教授鼎革後隱居不仕順治十三年卒

王適祖字駿聲邑北石橋人明季諸生以品學見重庠序鼎

革後棄青衿從黃冠遊因精導引之術登山臨水徜徉自適晚號中成子年八十五端坐而逝

吳純姬字相文邑城西南巷人以諒曾孫以諒見良吏志行高潔博

學好古嘗出應童科郡縣試皆第一學使按臨竟被黜落遂絕意進取移居杏岡結廬河畔茅亭曲檻花木交映翛然有以自得家無儋石晏如也時方之陶靖節

甯屏字閔仙居彩山莊雍正間人志行高潔幼穎悟讀書日

下數行鴻牒秘記靡不周覽生平篤嗜林泉澹於世味

甯陽縣志

卷之十五

隱逸傳

五十一

經生帖括業士苴視之不以厝意晚年究心內典頗精導引之術童顏鶴髮冬葛夏纁寒暑弗知也結廬彩山之麓散步優游任真自得閒作詩歌脫稿輒棄偶有口傳斷句士林咸珍惜之

程雲路邑北門外程家園人乾隆初人少負異才爲文磊砢有高

致性兀傲不諧於俗曾一應童科擯於有司輒棄帖括弗事科頭箕踞頽然任放顧獨喜草書初師十七帖漸乃變化出己意禿毫糙楮一揮數幅瘦勁槎牙自饒嫵媚晚益超雋自號臨池老人程鳴岐有臨池筋草書勢歌見藝文子淑楊

武生

于樸字沈章

邑東北蔣家集人

乾隆初人少治舉子業厭其拘

束輒棄去間以己意作繪事獨饒骨韻久乃益工凡山

水花鳥皴染動合古法尤善人物眉目奕奕如生而面

紋衣摺無一筆涉凡近見者詫爲陳老蓮復生善撫西

園雅集圖時推名筆晚境益造平淡更號素主人信手

塗抹自含真率之趣寸縑尺幅至今寶之

吳方昭字潛溪

邑城西南巷人

欲立子

欲立見文學

好讀書厭習帖

括自童丱時傳父筆法喜樵古今名搨得其神理邑令

甯陽縣志

卷之十五

隱逸傳

五十一

南皮張公重其品格與訂莫逆交方昭疏於通謁張公

每造其廬清談竟夕一語不及公事張公額其堂曰城

市山林呼爲南郭高士

徐超字右班

邑東北果莊人

乾隆中監生早年失怙奉母以孝

聞與弟友愛甚敦宗黨翕服閉門養高外人罕見其面

工琴善書尤精篆隸結構整密波磔飛動款署桐邨其

別號也收藏家多寶之

胡叔祥字阿棲

邑東北大胡家莊人

乾隆中庠生隱居彩山之側

傍巖構廬蓬蒿掩徑蕭然高寄咏歌弗輟有彩山牧牛

詩云高枕青筠笠困臥綠蓑衣忽然開雙眼笑看白雲
飛其風槩如此著有棲巖堂詩草藏於家

劉克恕字順施

陳家
店人

嘉慶中監生性樂閒靜不妄交游

所居近告山每蠟屐登臨流連忘返有漱石枕流之趣
蟠龍洞側舊有學舍三楹歲久傾圮塗墍蔑資克恕割
腴田五畝餘輸作補葺經費時論稱之

贊曰榮公九十披裘帶索浩然鳴琴中有至樂吳慕
向平遨遊五嶽王逢鼎革脫離塵縛企彼高躅朱霞

白鶴

甯陽縣志

卷之十五

隱逸傳

五十二

續增

甯傳灝 薛君淇

甯傳灝字沂亭

栗家
樓人

監生賦性靜退與物無競足跡不

入城市閉閣攝養茗椀薰鑪翛然意遠無他嗜好惟喜
蓄法書名畫尤喜鄉先輩手跡如程臨池甯大千于沈
章諸老零嫌斷楮必多方蒐羅手自裝潢秘藏篋衍珠
璣不啻也尤愛菊插蒔如法聞有異種必致籬下每秋
高霜肅羣葩數百本繽紛怒放流連玩賞竟日忘疲幾
不知有人間事咸以爲栗里風味也年八十餘壽終子

繼均繼衡繼銳皆監生孫天勳監生子剛潤書新庵皆庠生

薛君淇字衛泉

蠻子營人

幼稟夙慧讀書寓目不忘爲文自

抒心得不屑就有司繩尺屢困場屋環堵蕭然澹如也教弟子必專攻一藝盈科後進不躡等以希速化多所成就無他嗜好惟愛菊歲植數十百本籬落皆滿霜晨月夕嘯咏其間陶然自得年八十餘卒

